



UNIVERSITÄTS-
BIBLIOTHEK
PADERBORN

**Libri// Officialis// Sive Agendae S.// Ecclesiae Treverensis
Pars// Prior**

Jakob <III., Trier, Erzbischof>

Avgvstae Treverorum, 1574

VD16 A 766

Ordo obseruandus circa eos qui sine præuijs, exorcismis, &
exsufflationibus, & c. baptizati sunt.

[urn:nbn:de:hbz:466:1-72595](https://nbn-resolving.org/urn:nbn:de:hbz:466:1-72595)



REDO OBSERVAN. LXI

DVS CIRCA EOS QVI

SINE PRAEVIIS EXORCISMIS ET
exufflationibus: Et sine vñtionibus alijsq;
mysticis ritibus baptizati sunt.



Venire solet, vt infantes, interdum cogente necessitate propter imminentis mortis periculum, crebrò etiam in schismate ex veterum rituum fastidio, & Catholicae Ecclesiae contemptu, sine praevijs Exorcismis & Exufflationibus, sine vñtionibus, alijsque mysticis ritibus, (debita tamè verborum forma obseruata) baptizentur. Qui quidem sic baptizati, denuo rebaptizari non debent: In ijs tamen pueris, qui intra Catholicos ab obstetricibus in necessitate sine vñtionibus & alijs conuictis ritibus baptizantur, si superuixerint, Parochi omillas vñtiones & ritus suppleant. Illi verò, qui in schismate sine talibus ritibus & vñtionibus Baptismum acceperunt, vbi adoleuerint, ad talem vñtionum & rituum suppletionem inuiti cogi non debent, nisi persuasi, & salutaribus monitis acquiescentes, vñtiones & ritus huiusmodi in seipsis, adimpleri expetiuerint. Interim tamen Parochi non omittant tales admonere, ne huiusmodi rituum suppletionem simpliciter necessariam ducere, aut alios qui huiusmodi suppletionem in seipsis omiserint, contemnere velint, nec dubitent baptismum etiam sine his alioqui rite susceptum, verum & salutare esse.

Itaque Catholicus Sacerdos puerum sine vñtionibus & alijs mysticis ritibus baptizatum introducat in Ecclesiam, eumque ante se consistentem nomine compellans, signet cruce, tam in fronte quam in pectore, dicens.

N. Accipe signaculum crucis Christi, tam in fron ✠ te quam in cor ✠ de, Tene fidem caelestium praceptorum, talis esto moribus, vt templum Dei esse possis. Receptusque in Ecclesiam Christi, euasisse te laqueos diaboli laetus agnosce.

F

Ordo supplendi

nosce. Horresce Idola, respue simula-
chra, cole Deum, Patrem omnipoten-
tem, & Iesum Christum Filium eius,
Qui cum eodem Patre in vnitate Spiri-
tus sancti viuit & regnat Deus, per om-
nia sæcula sæculorum. Amen.

Oremus.

Omnipotens sempiterne Deus, Pater
Domini nostri Iesu Christi, respicere
dignare super hunc famulum tuum, quẽ
dudum ad rudimenta fidei vocare dig-
natus es, omnem cæcitatem cordis ab
eo expelle: Dirumpe omnes laqueos
Diaboli, quibus fuerat alligatus: Aperi
ei ianuam pietatis tuæ, vt signo sapienti-
æ imbutus, omnium cupiditatum foe-
toribus careat, & ad suauem odorem
præceptorum tuorum, lætus tibi in Ec-
clesia tua deseruiat, & proficiat de die
in diem, vt idoneus sit frui gratia bap-
tismi tui, quam percepit per Christum
Do-

Omissas cæremõnias.

LXIII

Dominum nostrum. Amen.

*Hic Sacerdos de sale exorcizato mittat in os pueri,
dicens.*

Accipe salem sapientiæ, vt Christus sit
tibi propitiatus in vitam æternam.
Amen.

Post gustum salis oratio.

Deus Patrũ nostrorũ, Deus vniuersæ
conditor creaturæ, te supplices exora-
mus, vt hunc famulum tuum respicere
digneris propitius, vt hoc pabulum sa-
lis gustantem, non diutius esurire per-
mittas, quò minus expleatur cibo cæ-
lesti, quatenus sit semper spiritu feruens,
spe gaudens, nomini tuo seruiens: Et
quem ad nouæ regenerationis lauacrũ
perduxisti, cum omnibus fidelibus tuis
promissionum tuarum, & æternorum
præmiorum facias esse participem, per
Christum Dominum nostrum. Amen.

*Iterum Sacerdos faciat crucem super puerum,
dicens.*

F 2

De

De ✠ us Abraham, De ✠ us Isaac, De ✠ us Iacob, Deus, qui Moyse famulo tuo in monte Synai apparuisti, & filios Israhel de terra Aegypti eduxisti, deputans eis Angelum pietatis tuæ, qui custodiret eos die ac nocte: Te quæsumus Domine, vt mittere digneris sanctum Angelum tuum, vt similiter custodiat hunc famulum tuum, vt teneat gratiam Baptismi tui, quam percepit, per Christum dominum nostrum. Amen.

Alia oratio.

Aeternam ac iustissimam pietatem tuam deprecor Domine sancte Pater omnipotens, æterne Deus, luminis & veritatis author, super hunc famulum tuum, vt digneris illum illuminare lumine intelligentiæ tuæ. Munda eum & sanctifica, & da ei scientiam veram, vt dignus sit frui Baptismi tui gratia, quam per-

Omissas Cæremonias.

LXV

percepit: Teneat firmam spem, consilium rectum, doctrinam sanctam, vt aptus sit ad tenendam gratiam Baptismi tui. Per Dominum nostrum Iesum Christum Filium tuum, qui tecum viuit & regnat in vnitate Spiritus sancti Deus, per omnia sæcula sæculorum. Amen.

Dominus vobiscum. **Responsio.**

Et cum Spiritu tuo.

*Hic sacerdos faciat crucem in fronte, ore, & pectore
pueri dicens.*

Sequentia sancti Euangelii secundum Marcum. **Responsio.** Gloria tibi Domine.

In illo tempore, offerebant Iesu paruulos, vt tangeret illos: Discipuli autem comminabantur offerentibus. Quos cum vidisset Iesus, indigne tulit, & ait illis: Sinite paruulos venire ad me, & ne prohibueritis eos, talium est enim regnum cælorum: Amen dico vobis, quis-

F 3

quis

Ordo supplendi

quis non receperit regnum Dei velut paruulus, ille non intrabit in illud. Et complexans eos, & imponens manus super illos, benedicebat eos.

Deinde teneat Sacerdos manum super caput pueri, & dicat orationem Dominicam, moneatque circumstantes, vt & ipsi orēt pro salute pueri. Et, si puer per ætatem sciat, iubeat cum alta voce recitare.

Pater noster. Ave Maria. Credo in Deum Patrem. &c.

His expletis Sacerdos sumens cum pollice & indice manus sive dextre de sputo oris sui, tangat auriculas pueri, dicens.

In nomine Patris, & Filii, & Spiritus sancti Ephpheta, quod est, adaperire.

Et mox tangat etiam nares, cum eodem sputo, non tamen labia attingat, dicens.

In odorem suauitatis.

Deinde Sacerdos serio erudiat puerum, quomodo olim in Baptismo, ore suorum Susceptorum abrenunciauerit Sathana & omnibus pompis eius: Et fidem in Deum Patrem omnipotentem, & in Iesum Christum filium eius, & in Spiritum sanctum disertè professus sit, admoneatque eum, vt sponsonem suam, quam Deo fecit, quæ proculdubio in cælo consignata est, sollicitè seruare & exsoluere procuret. Post hanc admonitionem Sacerdos intincto pollice in oleum Catechumenorum, quod oleum sanctum seu salutis appellatur, denudet pectus, & scapulas pueri, & faciat crucem primò in pectore, dicens.

Ego

Omissas cæremonias.

LXVII

Ego te linio oleo salu ✠ tis.

Et mox aliam crucem de eodem oleo faciat inter scapulas eius, dicens.

In Christo Ie ✠ su Domino nostro.

Deinde absterfum pollicem intingat in sacrum Chrisma & incipiat hanc orationem.

Deus omnipotens, Pater Domini nostri Iesu Christi, qui te regenerauit ex aqua & Spiritu sancto, qui que dedit tibi remissionem omnium peccatorum.

Hic faciat crucem de Chrismate in vertice pueri, subiungendo.

Ipse te liniat Chrismate salu ✠ tis, per eundem Christum Iesum Dominum nostrum in vitam æternam. Amen.

Postremo inducat Cappam super caput pueri, dicens.

Accipe Cappam candidam, sanctam, & immaculatam, quam perferas ante Tribunal sanctæ Trinitatis, vt habeas vitam æternam. Amen.

Vade in pa ✠ ce. **F**ides tua te saluum fecit.

F 4

MO.